

ঘাস ফুল নারী

-আদনান সৈয়দ

ইচ্ছে ছিল পড়বি যে তুই
ঘাস ফুলের নাক ছাবি
বকুল মালা খোপায় দিয়ে
আমার ঘরে যাবি।

ইচ্ছে ছিল বাসন্তী রং
শিমুল পলাশ মিলে
যতন করে সাজাই তোকে
লাল, সবুজ আর নীলে।

ইচ্ছে ছিল তোর চোখেতে
দেখবো সবুজ নদী
লাল রবিটা তোর কপালে
টিপটি হয়ে যদি !

ইচ্ছে ছিল বুনো ফুলের
সুভাস গায়ে মেখে
আমার কাছে আসবি চলে
হাতটি হাতে রেখে।

ইচ্ছে ছিল সকাল দুপুর
তোরই পূজা করি
গহীন গাঙের অঁথে জলে
নিত্য ডুবে মরি।

ইচ্ছে ছিল ইচ্ছে ছিল
তুই যে আমার হবি
তোর পরশেই যখন-তখন
মন হয়ে যায় কবি।

(adnanhumanist@yahoo.com)

2/28/07, Bangladesh.